



BIBLIOTHECA
UNIV. JAGELL.
CRACOVENSIS

394282

Mag. St. Dr.

III

Biblioteka Jagiellońska



stdr0021745

ERIDANUS
AUREIS,
Cælestis Sapientiæ & Scientiæ
ARENIS,
Orbem Vniversum ditans,
D. THOMAS
AQUINAS,
DOCTOR ANGELICUS.

Redeunte annuâ, suæ Solennitatis die,
In Basilica Cracoviensi SS. TRIADOS;
Perinclyti & Sacri Ordinis Prædicatorum,
debito cultu & Votivâ Svadâ,
in publica Illustrum Hospitum Corona

A
M. MATTHIA STANISLAO FEDEROWICZ,
In Alma Vniversitate Cracoviensi Philosophiæ Doctore,
Dialectices in Classibus Novodvorscianis Professore;

PRODUCTUS.

Annô, quô *J. Jacobi*
CæLlger EridanVs Marlæ repLeVerat æqVor. 1718

CRACOVIAE, TYPIS ACADEMICIS.

6.

Dembowski

70. II. 40.

In Gentilitium Insigne
 ILLUSTRISSIMÆ DOMUS
 DEMBINSCIANÆ.



I.

VRSO terribili vehitur DEMBINSCIA VIRGO
 Vt pellat Patriâ, fortiùs omne malum.

II.

Gressus impavidos agit VRSVS cuiq; timendus;
 Cui vectum VIRGO se dedit innocua.
 Virgo hæc invictas Lechiarum denotat oras,
 Quæis VRSINORVM sunt pretio Merita.
 Et DEMBINSCIANÆ hoc Virtuti Lechia debet
 Hostiles acies quòd pepulit toties.

ILLVSTRI
AC
MAGNIFICO DOMINO,
D. ANTONIO

de Dembiany

DEMBINSKI,

VENATORI PALATINATUS

Cracoviensis.

Domino ac Benefactori
Amplissimo.



*Uàm primùm Divinissimus AQVI-
NAS Regis fluviorum Eridani adum-
bratur Aquis, protinus gratiosis conci-
tus Favonij, in Tuum decurrit con-
spectum. Illustris ac Magnifice Domine.
Novit profectò meliorem nusquam si-
bi nancisci Provinciam, in qua per-
spicuos latices ducere possit, nullis ventorum fervescens flati-
bus; quàm pralucente Cynosurâ Tuâ, Stemmata nobili, Re-*

A 2

gum

gum Principumq, Sanguine sato. Novit equidem, quanta
lucis sunt haec Astra Patriae, à quibus fortunatos intra abdi-
ta rerum, & angusta viarum, non tam capit, quàm recipit
influxus; malevolos mulcendo astus, felici beatur malitia.
Abceant cetera astra in occasum, aut funestas saepius pati-
antur Ecclipses Tua magnanima VIRGO Signum Zodiaci,
nullis permista umbris, æternis coruscat ignibus: tot in Zo-
diaco Patriæ fulgentissima volvens sidera.; quot Viros Illu-
strissimos, DEI & pietatis amantes, qui zelo boni publici &
candori, totum devoverant affectum; quos illibata virtus,
heroica opera, ipsis intulere Calis. Bajulum Poli Atlantem
ab Urso educatum, veterum perhibeat fabula: veriores Po-
lonæ Reipublicæ Atlantes, indefessis lacertis Patriæ suslen-
tantes molem, qui, castra fortitudine, Tribunalia judicijs,
Areopagos Consilijs, Senatum honore implent; Gentilitium
hoc producit Stemma. Viros inquam, qui vita integritate, Acti-
um dignitate, meritorum præstantiâ, titulorum splendore omni-
bus exemplo sunt; Lydium probatorum morum, honestius
agunt, veros defensores Patriæ, & firma Reipublicæ columina.
Sed quid gesta sine Nominibus proferam? Vivit immortale
Nomen (cujus fama superstes; ceteros debito cum elogio si-
lentiò veneror, quos nec pagina hæc capere, nec ausus inge-
nij mei concipere valet) Illustrissimus JACOBUS DEM-
BINSKI, Castellanus Małogostensis, Cor Patriæ, Anima
Serenissimi Regis CASIMIRI Tertij. Quem cum fortem
viribus & Consilio expertus est Atlantem, ad Regem Bohe-
miæ Legatum destinavit, ubi qualis quantusve Vir ferme ad
istâ natus, extiterit; ex subsequentibus conijcere liceat docu-
mentis. Hic, contra Crucigeros Dux militum, Germanos
& Bohemos in subsidium Cruciferis venientes à confinijs Re-
gni fugavit, aliosq, innumeros in Patriam irruentes hostes
terrulit, ita ut quoties sternuus bellator in acie steterit, toties
vicerit. Heroica Virtutis Vir, vectigalem sibi fortunam fe-
cit; cujus experta veram fidelitatem, primò Thesaurarium
Regni, mox Cancellarium, ut Regis Oracula panderet, effecit.
De hoc omnes honorum concertabant gradus, quos fugiebat
ille,

ille, sed non effugit curulem Palatini Sandomiriensis. Nec frustra! Palam enim universo loquetur Orbi virtutum & in Republica meritorum plus quam heredem. Hinc metiri liceat, quanti ingenij extiterat Vir, cum inter discordes Polonia & Hungaria Reges, lites componere potuit, ipse pacis studiosissimus: ut hanc, quam à Casimiro sibi ad gubernandum saepius commissam acceperat Patriam; omnis expertem infelicitatis vidisset. Huic Atlanti certissima fulcra Patria, non minores successere Hercules, PETRVS & STANISLAUS DEMBINSKII, Iudices Terrestris Cracovienses, Sacra Themidos veri Cultores, & sani Consultores, quorum solida aeternis stabit laus temporibus. Ursina pelle indutos non sine grata memoria legit posteritas, quam antiquis ferre ad honorem fuit. Viros Martem spirantes MARTINUM & ERASMUM DEMBINSKIOS, quorum alteri dulce & decorum erat in oppugnatione Smolensci, pro Patria mori: alterius industria, celeritas, in re militari peritia, praecipue contra Tartaros, singulis admirationem, omnibus stuporem effecere. Leget Posteritas quantum valuit in sustentanda Republicae mole Vir ingenio, prudentia, rerum peritia insignis VALENTINUS DEMBINSKI, admiranda metempsychosi verus Paternarum Virtutum, non tam Successor; quam Heres, Thesaurarius, Cancellarius Regni. Istius merita, anxias curas, in bonum publicum fervorem, cum non haberet Patria, quò magis coronare posset, Castellanium pro tunc Cracoviensem, Palatinorum Curulibus adscivit, imò pratulit. Recolit Orbis Polonus SAMUELEM Castellanium Becensem, Capitaneum Będzinensem, FRANCISCUM DEMBINSKI, Succamerarium Cracoviensem, Viros veri & iusti amatores, recti tenacissimos. Eminent altius CHRISTOPHORVS DEMBINSKI, Avus Tuus dilectissimus, Virtutum sedes ac domicilium; Hic quantus fuerit, noscitur ex LUDOVICO Genitore Tuo charissimo: qui pro se uno, tria firmissima Patriae fulcra edidit; editos, ac si PHILIPPVS ALEXANDROS, Amilcar An-

nibales, vera Antecessorum Exemplaria in sinu Patriæ
educavit. Prominet Illustrissimus FRANCISCUS DEM-
BINSKI, Castellanus Voynicensis, Frater Tuus Germa-
nus, Pater Patriæ, Vir in toto deditus Reipublicæ, publica
commoda semper cogitans, privata nunquam. In primo
sua juventa flore, in acie Martis pugnator, gloriosus Vi-
ctor: post in serijs Palatinatus Cracoviensis negotijs, ad
Grodensia & Varsaviensia Comitia Legatus, Cato: In Tri-
bunali Regni, Consus; in ducendis Cracoviensi, Sandecen-
si, ac Prossorviensi Districtibus ter Agamemnon. Ensiser Cra-
coviensis, alter Achilles, iisdem armis malevolos Patriæ la-
dens, benevolos sanans. Senatorias sibi excidit Curules
Sandecensem, mox Voinicensem. Gravis Senator, quò al-
tius exsurgit more Phabi, eò magis commodis Reipublica
insevit, dies noctesq; dicendo. Tribunalitia Themis, illum
summæ gloriæ addixit; quoties Iudex; toties Areopagi Sar-
matici Illustre lumen, Regniq; Legum Summus Arbitrator. Quæ
cum indies ad augem tendunt, mihi venerabundo silentium
imponunt? plus ille potest facere, quam ego penna exarere.
Id tantum prætermittere non possum, quòd ne solus Lechia
viveret solo, fovet intra Domus sue angustalia, spem non
vanam Patriæ carissima pignora, JOSEPHUM Capita-
neum Wolbromensem, verè filium accrescentem; Cui &
sua innata virtus, & Paternum robur maximorum facinorum
ingens calcar est. Literis pulcherrimè addictus, alienas oras
non tam passibus, quam diligenti lustratione peragrans, ubiq;
egregia indolis laudes reliquit. Triennio Parisijs perma-
nens, Regi Gallia ita cordi adhaeserat, ut militia sua fi-
dum Capitaneum habere voluerit. Rediens in Patrios
fines nulli non amabilis, nulli non jucundus, magna cun-
ctorum in se pertrahens vota, maxima porrigit omina. Al-
ter STANISLAUS prius Domi virtuti intentus, niveum
sine labe pectus DEO, totam vitam, non tam immolavit,
quam addixit. Sacram Institutionem omnium gaudiò & la-
titiâ Canonorum Custodum Sepulchri Christi ingressus. Ad-
est par nobile Fratrum LUDOVICVS & JOANNES,
quorum

quorum spes licet adhuc in herba, jam tamen magni, quia
 DEMBINSCHII censentur. Quibus, clari in Patrio solo
 virtutibus & meritis addunt nitorem BORKOVII, LANC-
 KORONSHII, JORDANOVII, ZABOKLICCHII,
 MORSZTYNOVII. Extiterat olim MARTINVS
 Germanus Frater DEMBINSKI, ante Te Venator Pa-
 latinatûs Cracoviensis, quem omnes sibi venabantur honores;
 ni mors mora nescia disturbasset successus: sed cum ipse fa-
 tis cedere debuerat, Filium in Subsidium Patria, ut pro se
 & illo acerrimè pugnaret, MICHAELEM reliquit.
 Hos cum tanta circumdant, Tu illis similis obvenis mihi
 laus, ac prima gloria portio, Illustris ac Magnifice Domi-
 ne Venator ad præsens Palatinatûs Cracoviensis, genuina
 Virtutum effigies, cujus species magis, quàm Priami digna
 Imperio: Tua in facie ludunt Gratiae; spirant Ethesiae: Te
 Majorum Cerae licet si Orbi Polono Illustrem reddant, Illu-
 strissimum venerari cupiunt. Toties etenim hac, ut Tua
 essent, expetebant; Tu toties illa non apprehendisti, sed me-
 lioribus Te servasti. Experta Patria, vidit Orbis Lechia,
 quas curas; & sollicitudines pro bono publico applicuisti;
 itaq; suis Te cupit præcingere dignitatum laureis; ni illas
 effugeres. Memorabiles sunt publicæ legationes, ad Regni
 Tribunal Lublinense gloriosissima Deputatio, cæteraq; innu-
 mera in Rempublicam promptissima merita, quæ tam lau-
 datissimè expeditisti; ut omnium cum admiratione, quæ-
 vis præconia merueris. Huc BRZYCHVIORUM Accipiter,
 huc LIPSCIORUM Sreniawa, in amicabiles vitæ socias
 defluerunt; è quibus in Subsidium Patria, solatium Tu-
 um natos charissimos STANISLAVM KOSTKAM &
 JOSEPHUM verè amabiles suscepisti, qui ferme haredes
 Paternarum virtutum ab ubere extiterant; nihil in eis
 reperiendo parvum, præter annos. Istorum primum, cum
 Cracia retineat Pallas, intra Tullianos commorantem
 campos Demosthenem veneratur. Alterum, primo lu-
 stro gaudentem, detinent domestica limina, non sine omni-
 um stupore promptæ rationis. Nec aliter; à magnis quid?

nisi magna proveniunt. Felici sanguinis Vestri nexu gaudent Cellissimi Duces & Principes RADZIVILII, SANGUSZKOVII, SAPIECHOVII, LUBOMIRSCII, Illustrissimi WIELOPOLSCII, MALACHOVII, SZEMBECII, MAIOVII, PIEGLOVII, ceteraq; innumere insigni & antiqua origine in nostra usq; descendentes sacula, Prosapia; quas Lithvanus, Polonusq; orbis debito veneratur encomio. Huc & Eridanus, uti ad auspiciatum sidus, suis decurrit cum undis; sub quibus aureis Caelestis Sapientia & Scientia arenis, tantò felicius Orbem Universum ditare valeat, quanto libentius Astris his prosperabitur. Quibus illustratus effundat in Te longeva aetatis, omnium prosperitatum successus, ut eis diu felix sospesq; per honorum Appiam, tanto altius ascendas: gradusq; unius honoris sit alterius prodromus honor. Vive DEO & Patria; hoc Tibi intimè precatur

ILLUSTRISSIMI NOMINIS TUI

Venerabundus Cliens



Humillimus Servus.

Author Operis.

ORATIO.



Supendam rerum omnium naturam, ad communem singula proferentem usum, res admirandas, in hac Orbis peripheria conclusisse; cujus explanator animus, aut perspicax pupilla non admirabitur? A. A. Quippe, prodigam Matrem hanc dixerim, quæ virtutes rebus, non tam tribuit, quàm proiecit: ni eviscerato benevolentiae sinu, talia eam concedere censuerim. Larga hæc intra limites suos Domina, prodigiosam ubiquè producendo Scenam; ne frustra faceret quidquam, mundum ditat. Hinc videre liceat majestuosâ à terra assurgentes pompâ, montium vertices, sub quorum ambitioso collo Parios lapides, Phrygia saxa, maculoso nitore emicantia in Tempia Phæbo, aut resurgentia Alexandri tecta, obeso quodam partu contineri. Spectes Hetruriam Petram nemorosam proferentem, videbis Alcinoi, Hesperidumq; hortos, ubi virentia nemora, ridentia prata, rosas & Narceyffos, milleq; florum genera, & quò Ver ipsum superbiat, expressit non alius Apelles, quàm natura. Proditorem furum cernere cupis? Aurophylax est. Incorruptum te ut exhibeas? Chernitem pete. Excelsos ad sidera tendentes ramos fructibus decoras arbores desideras? aureis pomis onerarias recipe; ne Tantalus homo fugacia amplius captaret, saltim his satiaretur. A duro montium lapidumq; fastu, atq; arborum germine, vel ad ipsa, elevare placeat cum animo oculus, opificia rerum Elementa. Aër pergrandem in spatioso sui ambitu avium continens cætum, exquisitis variegatum coloribus, præter innumera alia in commodum mortalium beneficia, mellifluum hymettis instillat rorem. Calor qui Univerfa alit, inter abdita terræ, suum terendo iter, multiplicia concipi facit mineralia. Terra ipsa, quæ nullis stat suffulta columnis, præter annuos partus; quos larga semente profert

C

fert, scintillantis gravida auri massâ, pallentis argenti copiâ, liventis stanni abundantîâ, ad decus & pretium Vniversi, suis repletur in visceribus. Iam talibus bene ornatus, ditatusq; Orbis, ad limpidissima Neptuni regna, non vana rerum curiositate nostram provocat pupillam. Haud frustra! lactet mundus communem aquarum usum, habet quod ostentare possit Hispania, spumantis rutilam Tagi arenam. Nec sine ejusmodi censu Lydia, quam si ad Lydium velis probare lapidem? metalliferis egerit aquis. India mittit ebur, ast non solum? Hydaspe tumida, auriferam puta. Sed fatisne ista ad prodigium? minimè: non Asia munere tanto destituta Naturæ, ut singulis daret, divisam se fecit. Conclussit intra dominij sui recondita Pactolos, quibus aurea non desunt metallâ. Nescitis, quid Scythis reliquerit? ut se matrem non novercam monstraret, cum Arimaspum genuit; ei in dotem aureas arenas dedit. Nec limitavit vires! Ne amplius paucis contenta dicatur, pluribus cupit contineri in locis. Haud mora! Favet gratiarum suarum Favonijs meliori Europæ parti Italiæ, quam Eridanò donat, quem si Regem fluviorum nominaveris? non sine auro. Ita est. Hic etenim non levi aquarum abundans defluxu, ne solis scaturiret, aureas arenas vehit, vel ideo? ut cæteris mundi partibus par Italia monstraretur: vel in caput Orbis, & Religionis Sacræ sedem surrectura, ditior ex Eridano evaderet. Erumpit hodie in conspectum nostrum Divus Doctus Aquinas, mare scientiarum & Abyssus, Quem si quadam analogiâ Eridanum appellare contenderim: vereor ne illius immensitati quidquam derogare videar. Oceanum Te potius Divinissime THOMAS dixerim, tot conchis gemmeis refertum, quot cælestis Sapientiæ & scientiæ documentis; ni Eridanum Cælis æmulum noverim. Patieris itaq; Divinissime Aquinas, dum Te non alijs dignabor aquis, quam Eridani. Illam tamen non ad Orbis evanidam pompam auriferis metallis, sed aureis Cælestis Sapientiæ & scientiæ arenis, non Ausonias tantum oras, ast totum Vniversum ditantem.

Patieris inquam Cælestis Eridane! si Te terrestris Encomiastes exigua venerabitur Panegyri. Angelicas lingvas mereris,

reris, unde nec mirum, quòd humana in laudes non sufficiat. Scio me in abyssum quia THOMAM incidisse; inde haud aliter evasurum, quàm manuductrice gratiâ Tuâ. Dabis veniam Divinissime Doctor, si non svavi susurro decurreret Oratio mea, quam Tu Divinissime Aquinas, illotam, immundam, Aquis limpidissimis lava, mundaq;. Inopem Styli Oratorij facundiam meam benignis favoribus dita. Iam adest nulli non velox, in conferenda ope Divinissimus Doctor, Vos tantummodò mihi Vestris adspirare Votis A.A.

Quotquot flumina lustramus; tot, aut aurium resonante fluenta murmure oblectamēta, aut oculorum dulces delicias, recipimus; Eridanum tamen Regem eorum veneremur. Habent plummigeri greges, quò glorientur Rege Aquila; cuius irretortâ est semper solem inspicere pupillâ. Animalium turba, magnanimum reveretur Leonem. Nec sinuoso impetu decurrentia flumina absq; Rege esse voluerunt, quò ne aliquando carerent, Eridanum fecerunt. Bene est? Cuiam tantæ dignitatis nomen, ac regia majestas cedere debuerat, quàm ei, qui ut mundum debacchantibus ignium flammis liberaret, è liminibus suis erupit tumidus, tutari ausus dignum se probando pro Orbe exuri, si potuisset. Ita est? Ardebat Phaëtonteo casu undiquaq; terra, quæ ultricibus flammis misera in rogi Epri abiisset; è cardinibus permota, ni suos Eridanus excessisset. O prodigium! Stupebat tunc Oceanus grandem terrestris globi ruinam, admirabantur maria. Aër huc illucq; in turbinem ventis compositus perflabat: Ignis fortibus flammis, usq; ad viscera pertingebat: Terra gemebat plangebatq;. Solus Eridanus regio more usus, tardas lachrymabiles limphis suis tinxit & extinxit. Arrisere Superi! ut hanc quam semper miseriarum expertem spectare libuerat, per discrimina propria, è magno discrimine liberasset. Sed corpus suo vertice carens, proclamando, rem forsitan absq; origine necto; itaq; ne Acephalus noster videatur Eridanus, caput spectate. Ab imis radicibus Vesuli montis incipit: & bene. A fontibus flumina incipiunt, ex atomis consurgunt Olympi. Eridanus nulli amnium celeritati inferior, parvis

adolescens fontibus, ita, demum alijs amnibûs augetur, ut
se dives aureis arenis, per septem ostia effundat. Quidquid
sit. Videor ego aquas ad aquas fundere, cùm Divinissimū
THOMAM Aquinatem satis suis Aquis illustrem, Eridanō
illustriorem reddere conor, ni scirem, quod Dij olim sub
ignobilibus formis latuerant; ne innotescerent. Tu Divi-
nissime Doctor, sub Eridani Aquis latebis, ut innotescas.
Haud aliter Oratoria periodus Te ambire potest, Quem con-
centratæ virtutes, sanctitas profunda, Cælestis sapientia &
scientia, ad omnem opulentiam Vniversi veneranda, non mi-
nor Horoscopus, quàm summa Profapiæ Majestas, inenar-
rabilem Sæculis Regem, hoc est Eridanum, porrexere. Date
animos AA. & regios gressus in Eridano nostro Divinissimo
THOMA Aquinate speculemini. Exoritur non è limoso
paludis gurgite, cænōq; repleto; sed limpidissimo de mon-
tibus Aragoniæ Regum erumpenti fonte, ne vel in ipso sui
exortu purpuram nascentem, palustribus aquis inquinaret;
unde ad ruborem illius ipse erubesceret. Illustrissimam A-
quinatam Domum obtutibus vestris propiùs accedentem
acutiori supercilio examinatis? Montes excelsi spectentur.
Non Pelion & Ossa, quos Gigantea manus ad oppugnan-
dum superos adaptaverat; sed qui solj altitudine, sanctimo-
niæ eminentiâ, caput excelsum, altiùs ipsō Olympō Cælis
intulere. Non invidemus Parnassijs rupibus, quod Phæbo
Præside gaudeant, aut Thitoreæ Hyampeiq; cacuminibus
Aganippe & Hippocrene scaturientibus nubes pertingant.
Regia Aragoniæ, quotquot vidit sceptrō, pomōq; insignes
Reges, claros purpurâ Principes, Herculeâ clavâ Duces, tot
numera Apollines, si potes. Illinc Bellerophontis Pegaseo pe-
de, excussus emanat latex, hîc Divina manu eductus Divus
THOMAS Aquinas, erumpit fons limpidissimus, in Erida-
num prolabens. Fontis magnitudinem indagatis? ex sati-
te metiamini. Procul dubio! Ex pollice Gigas noscitur, ex
ungvè Leo. Theodoræ uterus hoc Cæli flumen intra viscera
sua concluderat. Haud aliter! acsi tenuis maris concha
pretiosum unionem, aut rudis terræ massa adamantem, ante-
quàm prodiderit Orbi. Sed non diu magna latere possunt.

Necdum

Necdum felicior Lucina desiderabilem mundo porrexit THO-
MAM, jam Bonus Anachoreta Eridanum prædixit. Sed
cave Divine interpres! Tu enim magna concipis, & summa
prædicis; spes adhuc in herba. Malè argumentatur quisquis
ominatur, è virga arborem, è minimo silice Alpes. Noris? à
minori ad majus non semper currit consequentia, sanè: fal-
litur augurio spes bona sæpe suo. Non, in THOMA.
Nemo poterat esse melior Hydrographus Bonò; qui, Sanctæ
Eremitæ percurrendo spatia, novit, quid palus Lernæa, hy-
dram in se continens; aut ranarum spurcitie repletus la-
cus? quid verò crystallinum fluentum in Caput Eridani
simile. O Bone! adhuc sub cortina THOMAS, Divino
afflatu nonnisi Tibi soli notus: non natus & jam quæ de
ipso Tua auguria! omina! voces! Quid? si oculis eum cer-
nere posses, quæ verba dicere; imò exclamare deberes!
Sed, cum primum nitentes stravisse sibi videtur glori-
cunas noster Eridanus; mox in laticem compositus, ex al-
veo citis effluit passibus; cui, in amicabilem comitatum ac-
currit Fons primæ lavans vestigia culpæ (Baptismum in-
telligo) ut hinc illimis, candidus, aureas Cælestis Sapientiæ
& Scientiæ in se concipiat arenas, hisce Univerſum Orbem
ditaturus. Vix ita amplior factus, impatiens moræ in pro-
tensum sese extendit Eridanus, nondum tamen adultus:
quia pusio adhuc, illicò ei ab ubere pendulo, advenit fons fi-
gnatus in Salutatione Angelica MARIA; Quem, ut vorax
aquarum, omni ab ulnis properando nisu contrahit, imò ab-
sorbet. O THOMA! quis ductus aquarum Tuarum? quæ
profunditas? MARIAM mare gratiarum absorbes; quis Te
gratiosior? Gemmam Cælestem complecteris; quis Te pre-
tiosior? Non Midæ aut Cræſi divitiæ Tuæ, sed Cælesti gra-
tiarum imbre conspersæ sanctiores cornucopiæ. Erythræum
Te dicerem ni & hoc, tantis opulentior superares. Nemo
Te celsior, nemo gloriosior, qui Amictam sole, ut nitidissi-
mum pectus Tuum lustraret, & illustraret; intra viscera
condidisti: conditam omni vitæ tractu sole clariorem mon-
straturus. Non vereare frequentatas Latoniæ phæses; qui-

bus ad irrequietos excitareris motus: hanc tenes, quæ illam pedibus tenet. Nec timeas quidquam, omnia enim tanquam in speculo videbis, cum speculum sinè macula in Te proposuisti, ipse limpidissimus. Non Plejades dominabuntur Tibi, sed duodecem ex Capite stellæ, duodenam Catholicæ Fidei summam illustraturo. Attamen ô THOMA! si Tuo infantili ore maria potas, quæ Tibi olim aquæ sufficient, ut satieris? si fontes exhauris; quisnam manebit latex; dum modò fontem MARIAM bibendo, in uno omnes hausisti, hoc ipso Eridanus esse, quàm probari, ambiens? Sanctioribus itaq; repletus Eridanus noster aquis, non immemor certè; quòd capiunt vitium, ni moveantur aquæ. Perpendite Auditores! uno nonnisi intra domesticos lares exactò lustrò puer, si hoc nomine dici possit, qui virtutis culturam ita adhibebat; ut nihil sterile esset; nec quidquam humile exhibuit, præter annos. Ab ipsis cunis notus, quòd ad fastigia natus, cum lacte ad magna candidatus, in Cassini arva ad Castalios fontes devolvitur, inde aureas Sapientiæ & Scientiæ Cælestis arenas reportaturus. Et certè, quidquid in THOMAM cadit; incidit, haud aliter emersum, quàm grandius. Nòrunt suum flumina, fontesq; Regem, ut sidera solem; quare mox vestigia Domini concomitando, sese transfundunt in Eridanum. Favent boni superi; THOMAS ubi incipit studendo, perficit disputando; Quid est DEVS? O THOMA! vix Heliconem incoluisti! & jam ad Helionem ascendis? nondum bene literas libâsti? jam tanta siti laboras, ut non valeat extinguui, quàm fonte Aquæ vivæ! Proh stupor! alij à partibus perveniunt ad totum, THOMAS à toto incipit, in summo desiturus. O fortunam! nusquam hospitata sunt magis Musæ, quàm in animoso pectore THOMÆ; quibus multam, imò omnem adolescentiæ, suæ partem dicando, Hippocrenen & Aganippen fontes exhausit, ne gutta supersit. Ergo jam latis Eridano nostro? minimè. Nunquam, exoriens Titan in eodem permanet loco; quò plùs sunt potæ, plùs sitiuntur aquæ. Exundat dulces amans aquas, in campos lilijs castitatis & innocentia

nocentia plenos, dicerem Elysios? ni Sacri DOMINICI eminentiores sese probarent. Religionis regulam subit, ne irregulares ducat Virtutes. Sacram candidi Ordinis induit vestem; ut suæ illibata Virginitatis producat testem. Sed quid agis? ô THOMA! ubique Te Regem, ubique amplissimum monstrasti? hic, sub strictam omnis pietatis & modestiæ regulam confluisti? Memorare! quâ sis origine natus? quæ spes? quæ expectatio Parentum Tuorum? Iam jam ancipites hærent lachrymas inter & vocem, quod Te genuerunt in fulcrum Patriæ, ac delictum Domus educaverunt? Tu à fascibus ad faciem Sacri DOMINICI subito confugisti. Quid ad hæc THOMAS? Non tantum Apollo in Parnasso; sed etiam in Pyrrhi annulo cum Musis. Gemma aliquando est, quod vitrum putasti? Eridanus, quod stagnum censes, & aurifodinam calcas; responderet. Nihilominus, intra hæc gloriosum Te fortuna fecit; sed non tutum. Ut tandem longius hæc querelas & lamentationes effugeret, Lutetiam se transfert, quæ aquis suis perfusa, desinat esse lutosa. Sed pro dolor! etiam aquis inimica fortuna. Incidit in Scillas volens evitare Charibdes. Vix securos prosequitur ductus aquarum, illico acli Xerxes Hellesponto, fratres Eridano injecere vincula. Ille THOMAM capit, hic tenet, uterq; ducunt. O duras mentes & plus quam ferrea corda, malè nata soboles, Landolphe & Arnolphe fratri dissimiles, mordaci consumimini invidia, Romulô peiores! Ille quia transiit, Remum; vos THOMAM, quia transilire non vult, cædentes. Raptus causam, ne quæras? Mater erat: nisi hanc furiam jure æquissimo dicere velis. Bene fecisti Mater, quod mandas capere THOMAM! Eridanus est, aureas arenas vehens, ut imundos scelere Lares mundare, pauperes ditare possit. Ducitur ante hujus vulnificum vultum THOMAS, à cujus oculis lachrymæ, ab ore voces & lamentationes prodeunt. Lactavi misera catulum, qui me perimat & morfu laceret, rigavi sudore cicutam. Talibus THOMAM flectere non valens, plectere disciplinis caput, & cum sensit non profici-

entia verba, descendit ad Anathema. Quæ primùm Mater, mox noverca. Tutrix primò, mox ultrix. O malè svada Mater, siccine amores Tyrannicis permutas odijs! Obverte potius efferum animum in effrenes filios; vitia adulta, ne fiant inulta. Sed algidus in his Eridanus noster, Regio animo constans, renuit svasionibus, sciens miserrimam esse sinè magna virtute, magnam felicitatem. Truditur itaq; post hæc sanctè pertinax in carcerem THOMAS, Eridanus in palustria loca. Quapropter jam actum est de THOMA! Malè, ubi Orator, qui tortor; idem Tullius, qui Phalaris; nec aliam à Te vocem exprimer, quàm gemitum. Quid facies THOMA! In Eridanum crescere debueras, aureis Cælestis Sapiètiæ & Scientiæ arenis Vniversum ditantem; modò deflexus cæterorum fontium Tibi præceptus; imò Tu ipse sublatus. Tantis permistus Eridanus noster, sed non solis. Adseruntur THOMÆ fercula, datur potus adbibendum dispares nervi; ut vel hisce laxaret animum. Ast mortem sibi pro cibo allatam putavit; nè uno cratere totus absorbeatur Eridanus, exhorruit. Accedit tandem ultimum malum, mulier procax; cujus oculi lenocinium, gestus illecebras, verba blāditiem, totum corpus persvasionis machinam admovebat, & erat temporis opportunitas, solitudo loci, parata voluptatis præsentia. Quid factum? innocentis THOMÆ genas & animum depingit pudor, ad tot concussiones, ad hos incestos ictus, immobilis, invictus. Acceptò de cineribus semiustò lignò abigit, fugat, eijcit atri Ditis germen, Medusam dixeris. Expectatis, ut rem absq; involucris edisseram? Cavete, ne inter tot infortunia infelicem dicatis. Ut tantùm felix fieret, miser fuit. Non rarò aditus fortunæ, injuria est. Sedendo THOMAS vicit, insidijs non territus, minis non mutatus, carcere non fractus, contumelijs major & excelsior. O latus malorum vices! ubi humana desunt consilia, Divina adsunt auxilia. Tam admiranda Virtutum & factorum svavitas, ipsos in carcerem devocavit Cælites, in signum heroicæ dexteritatis balteum ferentes. Præcingaris THOMA, ut stes fortiùs adversùs quosvis hostes, in prælio:
sic con-

sic confortatus, agendum THOMA! unica in fuga salus, utere nocte pro comite, tenebris pro socio, nomen & castimoniam illustraturus. Cessit eventus audacix, per fenestellam acsi per arctum ostium erupit noster Eridanus; qui flexuoso expeditus sinu. Liliorum revixit fragrantia; ad quorum eucurrit odorem Parisios; gratus hospes: illinc Coloni-
nam migraturus. Protende aquas Tuas Eridane, & quas inter angusta repagula contraxisti, dilata. Quodsi nec soli umbræ, nec adamanti rudera, nec gemmæ concha pudori est? quid Tibi calamitates notam inurant. Nullum famæ vulnus, malis cedere; quæ aliter vincere haud possis. Missis his, clarioribus redditus undis, obvium sibi nanciscitur Naturalis scientiæ dulcedine perfusum flumen ALBERTVM Magnum; cujus præpotenti impetu, non tam detinetur, quàm sistitur Eridanus. Cumq; nonnisi leni susurro decurrit, nullo strepitu sonans, à malè judicantibus, bovis nomen accipit. sed malè judicat, quisquis è prima fronte rem æstimat. Perpendite minus periti, & garruli Philosophi, apud quos negatus modestiæ locus; THOMAS torosus & ab aratro sacer Bos, oneris, quàm honoris patientior, vectura victitans. THOMAS Bos, qui post diuturnum silentium, tandem centum ora resolvet. Nam ut bene loquatur, diu meditatus est. Nostris? Profundior unda leniter fluens, nec credite tacitam non esse profundam. Latices, quorum summa vix talos contingit, crepant, altissima flumina minimò labuntur sonò: & qua flumen placidum est, latet altior unda. Profundius immersit profundam ingenij sui pupillam, rerum verus interpres ALBERTVS, & ambrosias Eridani prælibando aquas, ad eum verba protulit; Tu mihi non respondentis, sed Doctoris locum obtinere videris. Ita est! æquè rerum arbiter Aquinas, aqua est; super quam fertur Spiritus Domini. Flumen est, cujus inundantia omnem terræ Cæloq; præstat fertilitatem. Hæc epota ab omni vitiorum amurca, mundum immundum mundat. THOMAS Eridanus. Quidquid ab AVGVSTINO profluxit, ab AMBRO-

E SIO

SIO emanavit, HIERONYMO scaturijt, CHRYSOSTO-
MO ebullijt? id totum in aureas arenas, ad pretium u-
niversi in THOMAM congestum influxit. Cæteris igi-
tur magnus, hōc unicō parvus; quod talibus grandior a-
quis intra tumentes fluctus; quos grati pietatis sanctita-
tisq; permovebant Favonij; aureas Cælestis Sapientix & Sci-
entix producens arenas; dum coronari potuit, noluit.
Non ingrata Lutetia Eridani perlucida Aquis Gallicana
Pallas, tanto ditior hospite, quem diu desideravit, antequam
habuit. Aquas redimere cupivit, quas bibit. Quid fa-
ctum? THOMAS etiam sinè magnis laureati Doctoris
titulis, nunquam non Magnus, lauream mereri maluit, quàm
accipere, & ad ipsam cogi, quàm rogare. Diu intra se
meditatus, non tam gratiâ honoris, quàm præconcepti mæ-
roris extra se raptus, oculos claudit & aures: hos, ne sti-
mulos audiret, illos, ne stimulos abstemius felicitatis in-
tueretur. Mox tandem, cū humanis recusat votis, à
Cælis per nuntium compellitur, ne ima tereret, cū summa
postulant. Doctorali non tam libenter, quàm reverenter, insi-
gnitus coronâ, ubiq; lynx, ut notaret, ubiq; Aquila, ut tonaret.
Temporis avarus; nullum nisi sacrarum literarum otium ada-
mavit, quo universum ditaret. Plus factum? Quamprimū
THOMAS in Cathedra Doctor, illicò ad eum Cælum PE-
TRVM & PAVLVM ad dextram & sinistram spectatores
an Auditores delegaverat. Quare? Ille, ut in aurea Cæle-
stis Sapientix & Scientix doctrina, homines hamaret? Hic,
ut secundum Gentium Doctorem admiraretur: omnem in
gladio opem ferendo. O THOMA nulli hoc acinace
victoriæ non par, nullis hostibus non superior! Ita est;
nunquam non vicit, dum vixit. Dubitatis, videritne pri-
us hostem an vicerit? festinavit ad victorem victoria.
THOMAM & sua Virtus, & alienum scelus nobilitavit.
Bucerus nunquam magis se perijsse sentit, quàm cū cæ-
pit exundare Eridanus, nunquam pauperem, quàm divite
THOMA. Qui, cū videret quod inuideret, in Erida-
no infestus Phæton naufragus, totâ buccâ buccinare de-
buit

buit, *Tolle THOMAM & dissipabo Ecclesiam.* Apage hinc monstrum horrendum, Lernæa hydra Bucere, Plutonis parata portio! *tolle* vociferaris, conclusum de Te noscito, festivus occinit THOMAS. Hocce gloriosiori triumpho nulla arbor non laurus, nulla non trophæum est. Ut tamen Phæbi more etiam in altis omnium necessitatibus serviret; inter alia prima volumina summam Theologiæ conscripsit. Quam cum Supremo Censori CHRISTO porrigit, recipit; *Bene scripsisti de me THOMA.* O THOMA! non tantum nomine abyssus, sed operibus. O Eridane! pulchriora ducens floralia, non alio Te permittis coronari flore, quam Campi, nulla redimiri coronâ, quam Iustitiæ. Nemo Te melior Orthographus, rectè scripsisti, ita ut à Cælesti Præceptore *Bene* merearis. Cælis ergo faventibus, & terrestria Cælestis Sapientiæ & Scientiæ arenis ditata, circumagunt THOMAM. Archipræsulea purpura humeris, pedum manibus, Tiara Neapolitana excelso THOMÆ capiti sese submitunt. Sed THOMAS, uti ad omnes gradus honorum tardus, nec ad hunc velox. Ista, cum eum sequuntur, ille fugit. Noluit purpuram, quæ mortuo cruore imbuitur; antequam fiat. Respuit Pedum, ne eunti de virtute in virtutem pedes tardaret. Despicit Tiaram, ne Cælesti Sapientiâ & Scientiâ repletum caput, mundana gravarent. Neq; hic jam non Eridanus THOMAS, ne statarius aliquando esset, in Lugdunense magis currit, quam pergit Concilium, novos Mulciberi ignes, funestos fidei rogos minitantes, extincturus. Sed dolor! majorem ex adversa fortuna gustum libavit? In vita à fratribus, in via à fatis interceptus. Ah dolor! Morbi gravedine pressus, stitit vitæ suæ cursum, in nova Fossa. Vnicum, quod in auge Virtus, cum in terris locum non habeat, Cælos possidet. THOMAS æternitati vixit, non tempori; inter Cælestia relatus Numina, præne Cæli incola antequam hæres. Applaudere Tibi Sancta Mater Ecclesia! Tuæ jam aquæ super Cælos benedicunt Dominum, ipsa benedicta. Gloriare fluminibus copiosam mer-

cem, quibus devehis Superis, ipsa gloriosior. Latere Eridanō
aureis Cælestis Sapientię & Scientię arenis Vniuersum Or-
bem ditante, ipsa ditissima. Quem, cū ē benigno Superū
sinu receperas, Cælo reddidisti, quōd Cæli erat. Hoc totum
ramen tuum est, sacra Sacri DOMINICI Religio, innume-
ras legiones Sanctorum numerans. Non securiūs sub Aja-
cis clypeo Grācia, quā THOMAS, sub augustæ Tuæ Ve-
stis patrociniō deguit. Parem pietatem, Sapientiam non di-
spari Nomini præferendo. Alibi fontes nonnisi spectamus,
in Tuo Sanctissimo Conclavi flumina cernimus, Eridanum
veneramur. Hic, Sacræ Sedis veneranda Majestas, sedem
posuit. Hic Cardinalium purpuræ vernare, Archipræsulez
Tiaræ nitere, Præsulum Insulæ coruscare, exambiunt. Ne-
mo Te facundior nemo, sacer Prædicatorum Ordo, cuius
& ora loquuntur & prodigia, quoad publica solertior,
quā ad privata. Te solū roborat labor, quies fatigat,
qui Virtuti omnia debes, fortunæ nihil. Tuam nunquam
satis deprædicabit gloriam debitor Orbis, per Te loqui didi-
cit, omnem fregit inopiam. Ergo ditior factus, cuncto
enarrabit tempore; Te, Tuumq; THOMAM aureis
Cælestis Sapientię & Scientię arenis Vniuer-
sum Orbem ditantem Eridanum.

D I X I.



